

KANTON SARAJEVO

SKUPŠTINA KANTONA SARAJEVO

NAROD I PRAVDA

Arijana Memić, zastupnica

MUP KS, Uprava policije

PREDMET: ZASTUPNIČKO PITANJE

Na tragu mojih ranijih pitanja vezanih za nezakonita činovanja u Upravi policije MUP-a KS iz 2012.g, a koja su potvrđena presudama Općinskog a potom i Kantonalnog suda 2015.g i 2020.g, informisana sam da je postupljeno po istim, odnosno da su donesena rješenja o poništenju činovanih policijskih službenika u činu inspektor po internom oglasu od 8.juna 2012.godine.

Međutim, nisam vidjela niti raspoložem informacijom da je Uprava policije preduzela bilo kakve mjere i radnje protiv bivšeg policijskog komesara Ćosić Vahida koji je prihvatio listu unaprijeđenih policijskih službenika iz 2012.g te članova komisije za unapređenje u čin inspektor (Halač Fahrudin predsjednik komisije, članovi Bašić Milorad i Merdanović Asim. i stručno lice Lejla Hadžimuratović) koji su bili u obavezi po rješenju da provedu zakonit proces unapređenja policijskih službenika po tadašnjim propisima.

Stoga postavljam slijedeće pitanje:

Da li je Uprava policije MUP-a KS dostavila kompletnu dokumentaciju za nezakonito činovanje po internom oglasu od 8.juna 2012.g nadležnom tužilaštvu a shodno pravosnažnoj presudi Kantonalnog suda od 02.11.2020.godine?

Drugo pitanje također se odnosi na Upravu policije i vezano je za već pomenuto nezakonito činovanje:

U kojoj su fazi pravni postupci po donesenim rješenjima o poništenju činova za policijske službenike/ preciznije da li su uložene žalbe na rješenja i da li su pokrenuti upravni sporovi pred nadležnim sudom/?

Svako odugovlačenje postupanja povlači za sobom da ovaj predmet svjesno uđe u zastaru i da odgovorne osobe budu amnestirane od krivičnog gonjenja.

Članovi komisije su dostupni i visoko su rangirani policijski službenici, Halač Fahrudin radi u Graničnoj policiji BiH, Bašić Milorad radi u Jedinici za profesionalne standarde Uprave policije KS, dok je Lejla Hadžimuratović načelnica pravne službe u Upravi policije KS.

Postavlja se i moralno pitanje da li imenovani mogu obavljati svoje dužnosti s obzirom na utvrđene nepravilnosti iz presude?

Sarajevo, 31.01.2022.g

Zastupnica u Skupštini KS

Arijana Memić